

Aurkibidea

Aurkezpena.....	3
Euskara Biziberritzeko Plan Nagusia	5
1. Sarrera	5
2. Euskara Biziberritzeko Plan Nagusia	6
3. Esparruak, estrategiak eta ekintzak	6
Esparruak, helburuak, adierazleak, estrategiak eta ekintzak	9
1. Familia transmisioa	11
2. Euskalduntzea-prestakuntza	14
3. Irakaskuntza	17
4. Administrazioa	20
5. Lan mundua	21
6. Aisia	24
7. Kirola	28
8. Kulturgintza	31
9. Komunikabideak	42
10. Teknologia berriak	45

Aurkezpena

Euskara Biziberritzeko Plan Nagusia ezinbesteko tresna da euskararen normalizazioaren inguruan indarrak biltzeko, irizpideak finkatzeko, indarguneak sendotzeko, ahuleziak konpontzeko eta elkarlana bideratzeko eta indartzeko.

Hortaz, argia eta zehatza behar du izan, eta gizarte esparru guztiak hartu behar ditu bere baitan: familia transmisioa, euskalduntzea eta prestakuntza, irakaskuntza, administrazioa, lan mundua, aisia, kirola, kulturgintza, komunikabideak eta teknologia berriak.

Administrazioari buruzko esparrua Zaldibarko udalbatzarrek 2008ko azaroaren 27an aurkeztu eta onartu zuen *Euskararen Erabilera Planean* dago jasota bere luze-zabalean. Beraz, oraingo dokumentu honetan erabilera planari buruzko aipamen labur bat besterik ez da egingo.

Aipatutako hamar esparruotarako helburu zabalak zehaztu dira, baina guztiak ere erdiesteko modukoak dira. Adierazleak ere aipatzen dira, giza mailakoak batzuk eta diruzkoak besteak, eta helburuak eskuratzeko ezinbestekoak diren estrategiak ere bai, esaterako, sentsibilizazioa, komunikazioa eta laguntza tekniko eta ekonomikoa. Azkenik, ekintzak agertzen dira, batzuk lehendik ere bagenituen eta beste asko, berriak dira.

Orain dakargun 2010-2012ko Plan Estrategiko honek osatu egiten du duela lau urteko Plana, 2005-2008koa alegia. Lehendik geneuzkan ekintzak ebaluatu egin dira, eta egokiak direnak hobetsi. Baina, honetaz gain, jauzi handi bat egin dugu ekintza berriak jorratze aldera.

Egiari zor, ezin dut aipatu gabe utzi Plan honen atzean dagoen batzar askotako talde-lana eta jarduna. 2010-2012 urtealdirako Plan Estrategiko hau ez da ezerezetik sortu. Gorago aitatu den moduan, Zaldibarko Udaleko Osoko Bilkurak duela lau urte onartu zuen Plan Estrategikoa du iturburu. Eta, orduan zein orain, ezinbestekoak eta zinez oparoak izan zaizkigu Euskararen Aholku Batzordeko kideek eginiko iradokizunak eta ekarpenak. Batzar askoren eta lan eskergaitzen emaitza da orain aurkeztzen den Plan Estrategikoa: “ekinez egina” hau ere. Asun, Antton, Carlos, Maria, Mertxe, Jose Andres, Miren eta Mirari, milesker guztioi, besteak beste erakutsi duzuelako talde baten gogoia eta indarra direla herrigintzan oinarririk sendoenetakoa.

Nerea Garitagoitia Baskaran
Euskara batzordeburua

Euskara Biziberritzeko Plan Nagusia

1. Sarrera

2009. urtean hogeita hamar urte betetzen dira Euskal Autonomia Erkidegoak euskara hizkuntza ofizial aldarrikatu zuenetik. Euskarari ofizialtasuna aitortzearekin batera, Euskal Autonomia Erkidegoan euskara zein gaztelania erabiltzeko eskubidea aitortu zitzairen herritar guztiei. 1979tik hona hainbat arau eta erakunde egin eta arautu dira euskararen gaitasun, erabilera eta estatusa berreskuratzeko Euskal Autonomia Erkidegoan eta Nafarroako Foru Komunitatean. Ipar Euskal Herrian, aitzitik, euskararen aldeko neurriotako bakan batzuek bakarrik ikusi dute argia.

Euskal Autonomia Erkidegoan hartutako neurri garrantzizkoenetako bat Euskararen erabilera Arauzkatzeko 10/1982 Oinarrizko Legea izan da. Lege honek hizkuntza-politikako ekimenak garatzeko bidea zabaldu zuen, gizarteko eremu giltzarrietan euskararen ezagutza eta erabilera berreskuratzeko euskarari hain beharrezko zitzaion erakundeen babesa eskainiz.

1979az geroztikoak dira Euskal Autonomia Erkidegoak hartutako neurriak irakaskuntzan, komunikabideetan, herri-administrazioan eta kulturgintzan euskararen ezagutza eta erabilera areagotzeki begira: Eusko Jaurlaritzaren Euskararen Aholku Batzordea (1982), Euskal Irrati Telebista (EITB, 1982), EAEko irakaskuntza ez unibertsitarioan hizkuntza ofizialen erabilera araupetzeko uztailaren 11ko 138/1983 Dekretua (1983), HABE (1983), IVAP (1983), HPS (1983) eta Administrazioetako Hizkuntza Normalkuntzarako Plana (1989).

1996an, Eusko Jaurlaritzak Euskararen Aholku Batzordea eraberritu zuen, eta euskararen ezagutza eta erabilera areagotzeko hizkuntza-politiken eraginkortasun-maila neurtzeko eta ebaluatzeko agindu zitzaion, hain zuzen ere, indarguneak eta ahuleziak zehaztea. Azken finean, Euskara Biziberritzeko Plan Nagusia egitea eskatu zitzaion.

Zaldibarko Udalak duela lau urte onartu zuen bere lehenengo Plan Estrategikoa, hau da, 2005-2008 urtealdiari zegokiona. 2009an luzapena izan genuen. Orain, beraz, bigarren Plana prestatzea egokitzen da, hurrengo hiru urteetarako nondik norakoak finkatuko dituena. Nolanahi ere, datorren plangintza-aldiko dokumentua aurkeztu baino lehen, labur bada ere, azalpen batzuk emango ditugu euskararen Plan Estrategikoaren eginkizun nagusiei buruz.

2. Euskara Biziberritzeko Plan Nagusia

Euskara Biziberritzeko Plan Nagusia hizkuntzaren normalizazioa eskuratzen jarraitzeko plan estrategikoa da. Bere egiteko nagusiak honako hauek dira:

- Arazo nagusiak aurreikusi eta epe motzera eta luzeagora erdietsi behar diren helburuak adostu, egitarauak egokitu eta ebaluazio-irizpideak zehaztea.
- Euskara biziberritzeko aurrekontuak sakon aztertzea eta egungo egitarauak etorkizunean izan dezaketen eragina aurreikusiz lehentasunak finkatzea.
- Herri-erakundeen arteko koordinazio hobetzea eta euskalgintzan diharduten bestelako enpresa eta herri-elkarteekiko harremanak bideratzea.

Plan estrategiko hau ez da dokumentu itxi eta aldaezina, irekia eta etengabe egokitzeko sortua baizik, alegia, herrigintzan eta gizartegintzan diharduten sektore eta taldeen ekarpenez aberastuko dena. Beraz, euskararen aldeko sustapen-politika gidatzeko eta euskalgintza diharduten elkarte, talde eta erakundeekiko elkarlana bideratzeko oinarrizko erreferentzia eta tresna izan nahi du.

3. Esparruak, estrategiak eta ekintzak

Zaldibarko Udalaren 2010-2012ko Plan Estrategikoak hamar esparru hauek bereizten ditu:

1. Familia transmisioa
2. Euskalduntzea-prestakuntza
3. Irakaskuntza
4. Administrazioa
5. Lan mundua
6. Aisia
7. Kirola
8. Kulturgintza
9. Komunikabideak
10. Teknologia berriak


Helburu bakoitzean eragingo duten adierazleak ere aipatzen dira, eta helburuok lortzeko behar beharrezkoak diren estrategiak ere bai. Azkenik, ekintzak agertzen dira.

Beraz, Plan Estrategikoan jarraituko dugun eskema honela laburbiltzen da:

Esparrua ⇒ helburuak ⇒ adierazleak ⇒ estrategiak ⇒ ekintzak

Ibilbide honi azken geltokia falta zaio: ebaluaketa, hots, urtean zehar egindakoa aztertzea eta objektiboki neurtzea. Azken urrats hau urte bakoitzean egingo den behin betiko Kudeaketa Planean jasoko da, eta abiapuntu bilakatuko da hurrengo urteko Kudeaketa Plana diseinatzeko.

Beste barik, datozen orrietan Zaldibarko Udalaren 2010-2012rako Euskara Biziberritzeko Plan Estrategikoa aurkezteko dugu.



1. Familia transmisioa

1.1. Helburua: Euskararen erabilera handitu etxeko esparruan, eta transmisioa ziurtatu familia kideen arteko hizkuntza izan dadin.

ADIERAZLEAK

- Derrigorrezko hezkuntza sisteman sartzean, ama hizkuntza euskara duten haurren %
- Etxean erabiltzen den hizkuntza
- Lehen hizkuntza (> 5 urte) adinaren arabera
- Hizkuntzaren bilakaera (> 5 urte) adinaren arabera

1.1.1. Sentsibilizazioa

1.1.1.1. Guraso eta aitita-amametan eragin, euskararen familia bidezko transmisioa ziurtatzeko: haurrek egindako pegatinak, triptikoak...

- Ikastetxeekin batera plana egin, gurasoengana iristeko bide eraginkorrena baita.

Arduraduna: Euskara Saila

1.1.1.2. Haur jaio berrien gurasoei euskara eta euskal kulturari lotutako bildumak igorri: ipuinak, kantuak, euskarazko gela apaingarriak, euskal izendegia...

- ESAIDAZU EUSKARAZ kanpainaren bitartez umeei euskara transmititzeko hainbat aholku ematen zaizkie gurasoei

Arduraduna: Euskara Saila

1.1.1.3. Gurasoengan eragin euren hizkuntza ohiturak seme-alabengan duen eraginaz jabe daitezen.

- Ikastetxeekin batera plana egin, gurasoengana iristeko bide eraginkorrena baita (ikasturte hasierako bilerez baliatu)

Arduraduna: Euskara eta Hezkuntza Sailak

1.1.2. Komunikazioa

1.1.2.1. Euskarazko produktuen katalogoa ezagutzera eman: web orrian, gurasoei bidali, udalaren menpeko guneeetan eskuragarri jarri.

- Udala web guneaz baliatuko da, batez ere, "Euskarazko produktuen katalogoa" zabaltzeko.

Arduraduna: Euskara Saila

- 1.1.2.2. Haurrentzako zerbitzuei buruzko informazioa ezagutzera eman.
- Euskaraz dakiten haur zaintzaileen zerrenda osatu eta gurasoen eskura ipini.

Arduraduna: Euskara Saila

1.1.3. Ekitaldiak antolatu

- 1.1.3.1. Guraso berrientzako saio erakargarriak antolatu euskaraz: haurrak nola hezi, nola elikatu ondo, gaixotasunei nola egin aurre.
- Esparru honetan ari diren eragileekin batera plangintza egin, saio, ikastaro eta jardunaldiak antolatzeko.

Arduraduna: Euskara Saila
Herri-ikastetxea

- 1.1.3.2. Familia barruan euskararen erabilera bultzatzeko egitasmo zehatzak martxan jarri: Gurasolagun...
- BERBALAGUN egitasmoaren barruan sartu; atal berezia eskaini gurasoei.

Arduraduna: Euskara Saila

- 1.1.3.3. Ekitaldiak antolatu familia osoa aintzat hartuta, eta ikastetxea eta guraso elkarteekin elkarlanean: Gabonetan, San Eztebe egunean, Santa Ageda egunean edo tokian tokiko ohiturak kontuan hartuta.
- Ikastetxeekin batera plana egin beharko da euskal tradizioko jaiak familia artean igarotzeko. INAUTERIAK, TXITXI-BURRUNTZI, SAN EZTEBE, SANTA AGEDA

Arduraduna: Euskara, Kultura eta Hezkuntza

- 1.1.3.4. Irteerak antolatu Euskal Herrian zehar: euskal kulturari lotuta dauden parke, museo, gunek, ekitaldietara: ikastolen egunak, eskola publikoaren festa, Euskararen Eguna, Zaldibarko azoka...

Ikastetxe eta elkarteekin batera plana egin beharko da euskal kulturaren adierazpenak ezagutzera emateko: Maskaradak, Inauteriak (Lantz, Unanue...), Goierri aldea, iparraldea,...

Arduraduna: Kultura, Hezkuntza eta Euskara

2. Euskalduntzea eta Prestakuntza

Euskalduntzea

2.1. Helburua: Euskararen aldeko motibazioa eta euskararen ezagutza handitu herritarren artean.

ADIERAZLEAK

- Ikasle kopurua herriko euskaltegietan
- Ikasleak/ (erdaldunak+ia euskaldunak)
- Ikasleei eskainitako diru-laguntzak, guztira
- Xede bereziekin antolatutako ikastaro kopurua
- Xede bereziko ikastaroetako ikasle kopurua
- Ikasleen jarraitasun-tasa
- Biztanleriaren hizkuntza gaitasuna
- Euskal hiztunen alfabetatze maila
- Kale neurketaren emaitza

2.1.1. Sentsibilizazioa

2.1.1.1. Herritarrengan modu erakargarrian eragin, dakiten euskara hori plazan ere erabiltzeko. Ekimenak definitu eta martxan jarri, herriko eta inguruko eragileekin elkarlanean: kartelak, tokian tokiko komunikabideetan mezuak, euskararen egunean agintari politikoen agerraldiak, pegatinak, egutegia, e.a.

Arduraduna: Euskara Saila

2.1.1.2. Etorri berriei bereziki zuzendutako sentsibilizazio kanpainak antolatu, euskara ikasteak ekar litzaiekeen onurak azpimarratuta. Etorri berrientzako harrera programekin uztartu.

- ETORKINENTZAKO ONGI ETORRI PROGRAMA diseinatu Durangoko Amankomunazgoarekin eta helduen euskalduntzearekin batera, umeak eta helduak kontuan hartuta.

Arduraduna: Durangoko Amankomunazgoa Durangaldeko euskara zerbitzuak

2.1.1.5. Euskara ikasten dabilena saritu: sarrerak zozketatu, eskualdeko egunkari eta aldizkariaren batera urtebeteko harpidetza...

- Batu AEKkoekin era honetako sariketa bat antolatzeko

Arduraduna: Euskara Saila

2.1.2. Komunikazioa

2.1.2.1. Eskualdeko euskaltegien gaineko gida osatu: zerbitzuak, ordutegiak, helbideak... eta herritarrengana zabaldu.

- EUSKARA IKASTEKO ESKAINTZAREN BERRI EMATEA. Euskara ikasteko eta praktikatzeko dauden aukeren berri eman herritarrei. Udala web guneaz ere baliatuko da zabalkunde egiteko.

Arduraduna: Euskara Saila

Durangoko Amankomunazgoa

2.1.2.2. Euskara ikasteko prozesuaren gaineko informazio orokorra eskaini modu erakargarrian: web orria erabilita, triptikoak, eskualdeko aldizkaria (prozesua, udalak zer laguntzen duen, metodologia, ziurtagirien baliokidetzeak, egonaldiak familia euskaldunetan programa...)

- Udala, batez ere, web guneaz baliatuko da horren guztiaren berri emateko.

Arduraduna: Euskara Saila

2.1.2.3. Etorri berriei bereziki zuzendutako komunikazioa kanpainak egin: mezuak zaindu, bere hizkuntzetara egokitu....

- ETORKINENTZAKO ONGI ETORRI PROGRAMA diseinatu Amankomunazgoko Gizarte langileekin eta helduen euskalduntzearekin batera, umeak eta helduak kontuan hartuta.

Arduraduna: Euskara saila

Durangoko Amankomunazgoa

2.1.3. Laguntza ekonomikoa eta teknikoa eskaini

2.1.3.1. Euskara ikasteko diru-laguntzak eskaini baldintza batzuk betetzearen truke: eskolara joateko edota auto-ikaskuntza bidez ikasteko.

- BEKAK EUSKALDUNTZE-ALFABETATZEKO. Euskara Sailak euskaltegi pribatu, homologatu eta barnetegietan ikasten ari diren ikasleei diru-laguntza ematen die baldin eta baldintza batzuk betetzen badituzte.

Arduraduna: Euskara Saila

2.1.4. Ikastaro bereziak antolatu eta euskara lantzeko euskarriak eskaini

2.1.4.1. “Mintzalagun” proiektua jorratzeko taldeak sortu herrian (atzeritarrak eta adin guztietako euskaldun zaharrak eta berriak aintzat hartuta). Formula berriak aztertu: bazkari-laguna, kirol-laguna...

- BERBALAGUN egitasmoa indartu eta zabaldu behar da, “gurasolagun” “dantza-lagun”, “kuadrillategi” edota antzeko ekimenak abian ipinita, helduen euskalduntzearekin elkarlanean. Indartu egitasmoa Durangaldeko ikuspuntutik (horretan ari gara).

Arduraduna: Euskara Saila

Durangoko Amankomunazgoa

2.1.4.2. Euskararen ezagutza beharrak aintzat hartu eta ikastaroak antolatu herriko edo eskualdeko euskaltegiekin elkarlanean: galdutako trebetasunak berreskuratzeko edo birziklatzeko; euskarazko terminologia lantzeko; mintzamena lantzeko; jendaurrean hitz egiteko; herri hizkeraz; hitanoaz... Begirale, kirol entrenatzaile, eskolaz kanpoko jardueretako arduradun, irakasle, euskaltegiako irakasle, komunikabideetako esatari, merkatari, ostalari, udaltzaintzako hobekuntza ikastaroak antolatu.

- IKASTARO ESPEZIFIKOAK antolatzen badira sektoreka Durangaldean, eskaini gure herritarrei. Zaldibarren ez daukagu ahalmenik gure kabuz sektoreka ezer antolatzeko.

Arduraduna: Euskara Saila

2.1.4.3. Etorri berriei zuzendutako ikastaro bereziak antolatu, metodologia egokia erabilia.

- ETORKINENTZAKO PROGRAMA. AISA HARRERA IKASTAROA eskaini etorri berriei. 2.1.2.3 komunikazioa ekintzarekin uztartuta. Eskaini Durangaldetik Durangaldeko etorri berrientzako eta saiatu herriz herri taldeak sortzen.

Arduraduna: Euskara Saila

Durangoko Amankomunazgoa

2.1.4.5. Euskarazko komunikazio gaitasuna hobetzeko saioak antolatu euskaltegi eta ikastetxeekin elkarlanean, jolasak, txapelketak, irteerak, antzerkiak, eta orokorrean, gai ludikoak aintzat hartuta. Ahozko adierazpena indartzeko ekintzak antolatu.

- Berbalagunaren osagarri hainbat ekintza antolatuko dira Durangoko Amankomunazgoak ordainduta.

Arduraduna: Euskara saila

Durangoko Amankomunazgoa

3. Irakaskuntza

Ikastereduak

3.1. Helburua: Euskarazko ikastereduak sustatu

ADIERAZLEAK

- 0-3 urte bitarteko udalerriko haur kopurua
- 0-3 bitarteko plaza kopurua euskaraz
- 0-3 bitarteko matrikulazioa euskaraz (%)
- Haur eta Lehen Hezkuntzako plaza kopurua D ereduan
- Haur eta Lehen Hezkuntzako matrikulazioa D ereduan (%)
- Etorri berrien matrikulazioa D ereduan (%)

3.1.1. Sentsibilizazioa

3.1.1.1. Ikastolen jaietarako diru-laguntzak...

- Ikastolen jaietarako diru-laguntzak (EAEkoei hainbat; Iparralde eta Nafarroakoei gehiago)

Arduraduna: Euskara Saila

3.1.2. Komunikazioa

3.1.2.1. Gurasogai eta guraso berriei banan-banako informazioa eman 0-3 adin taldean udalerrian dauden zerbitzuez.

- Adin talde honi zuzenduta Udalak eskaintzen dituen zerbitzuen gida atera eta banatu jaio berrien erregistroaren eta haurtzaindegien bidez. Alkarbideko kanpainaz baliatu horretarako.

Arduraduna: Euskara Saila

Alkarbide

- 3.1.2.2. Etorri berriei bereziki zuzendutako hitzaldiak eta banan banako elkarriketak antolatu euskarazko ereduen berri emateko: beste etorri berri batzuen esperientzia, emaitzak, dauden laguntza aukerak... azaltzeko.

Arduraduna: Hezkuntza eta Euskara Sailak

3.1.3. Eskaintza sustatu

- 3.1.3.2 0-3 arteko euskarazko udal zerbitzua sustatu.

➤ Haurreskola

Arduraduna: Hezkuntza Saila

Eskolaz kanpoko

- 3.2. Helburua: Eskolaz kanpoko prestakuntza jardueratan euskararen erabilera areagotu.

ADIERAZLEAK

- Eskolaz kanpoko prestakuntzan euskaraz ematen diren ikastaroak (%)
- Ikasle kopurua eskolaz kanpoko euskarazko ikastaroetan (%)

3.2.1. Komunikazioa

- 3.2.1.1. Informazioa eman herritarrei euskarazko eskolaz kanpoko prestakuntza zerbitzuez: triptikoak osatu, udaleko aldizkarian agertu, web orrian ezagutzera eman...
- Udala, batez ere, web guneaz eta kultura sailak urtero kaleratzen duen liburuxkaren bidez baliatuko da herritarrei honen guztiaren berri emateko.

Arduraduna: Euskara Saila

3.2.2. Eskaintza sustatu

- 3.2.2.1. Hitzarmena sinatu ikastetxe, euskaltegi edota herriko akademiekin haur eta gazteei eskolako lanak egiten laguntzeko: etxeko lanen txokoa, interneten bidezko galdera-erantzunen txokoa, mintzamen saioak bazkal ostean, etorri berrientzako murgiltze saioak, material osagarria sortu....

Arduraduna: Euskara Saila

3.2.2.2. Hitzarmena sinatu eskolaz kanpoko prestakuntzan dihardutenekin (musika eskolak, hizkuntza eskolak, margo eskolak...), euskarazko eskaintza handitzeko.

- Eskola partikularrak euskaraz emateko prest dagoen jendearekin zerrendak osatu eta horren premian dagoenari eskaini. Udalak bitartekari-lanak baino ez ditu egingo.

Arduraduna: Euskara Saila

4. Administrazioa

Helburua: Euskararen ezagutza eta erabilera sustatu udal administrazioan, euskara hizkuntza-zerbitzua izan dadila bermatuz eta, arian-arian, lan-hizkuntza bilakatu dadin: ZALDIBAR ELIZATEKO UDALAREN EUSKARA PLANA

Zaldibar Elizateko Udalbatzarrak, 2008ko azaroaren 27an onartu zuen udal barruko *Euskararen Erabilera Plana 2008-2012*. Euskara Planak, besteak beste, helburuak, estrategiak eta ekintzak biltzen ditu eta, halaber, urtero egin beharreko *Kudeaketa Plana* eta ebaluazioa ere bertan jasotzen dira.

Laburbilduz, honetan ari gara: alde batetik, Euskararen ordenantza eta hizkuntza irizpideak onartuko dira 2010ean eta, bestetik, langileen artean euskararen erabilera sustatzen (mintza-saioak, mintzatratuak lortu, adierazgarriak ipini, idatzizko euskara lantzeko ikastaroa, lan-jardun berriak, hizkuntza paisaia...)

5. Lan mundua

Lan Mundua

5.1. Helburua: Lan munduan euskararen erabilera handitu

ADIERAZLEAK

- Udalerriko enpresak, guztira
- Erabilera plana duten enpresak (%)
- Euskararen erabilerari lotuta Bikain ziurtagiria duten enpresak (%)

5.1.2. Komunikazioa

5.1.2.1. Enpresei ezagutzera eman beste eskualde batzuetan alor honetan izan duten esperientzia, enpresari euskararen erabilera plan batek dakarzkion onurak, LanHitz programa...

Arduraduna: Euskara Saila

5.1.3. Laguntza Ekonomikoa eta Teknikoa Eskaini

5.1.3.2. Kanpo aholkularitza kontratatzeke laguntzak eskaini enpresei: enpresa zerrenda, kontaktuak, diru-laguntzak...

Arduraduna: Euskara Saila

Merkataritza eta Ostalaritza

5.2. Helburua: Merkataritza eta ostalaritzan euskararen erabilera handitu

ADIERAZLEAK

- Merkataritza eta ostalaritza arloko establezimenduak, guztira
- Euskararen erabilerari lotutako Bikain ziurtagiria duten enpresak (%)

5.2.1. Sentsibilizazioa

5.2.1.1. Herritarrengan eta merkatarari edo ostalariengan eragin, Hizkuntza Konpromisoaren Zigilua bereganatzearen onurez, herritarren hizkuntza hautua errespetatzeko lehen hitza euskaraz izan dadin, hizkuntza paisaia zaintzeko...

- Sentiberatze kanpainak eskaini herritar, merkatarari eta ostalariei

Arduraduna: Euskara Saila

5.2.1.2. Errotulazioa finkoa eta noizbehinkakoa euskaraz ere jartzeko kanpainak martxan jarri, merkataritza elkarteen bitartez...

- BOLO-BOLO DABIL egitasmoaz baliatuko da Udala sentiberatze kanpainak ("merkealdia", "ordutegia"...) zuzentzeko herritarrei, merkatarari eta ostalariei, orokorrean hizkuntza paisaia euskaldunagoa izan dadin.

Arduraduna: Euskara Saila

5.2.1.3. Banan-banako elkarrizketak egin merkatarari eta ostalariekin paisaia linguistikoak euskararen erabileran duen eraginaz

- merkatarari eta ostalariak ohartarazi hizkuntza paisaiaren eta euskara erabiltzearen garrantziaz

Arduraduna: Euskara Saila

5.2.2. Komunikazioa

5.2.2.2. Merkataritzan eta ostalaritzan dihardutenei ezagutza eman beste eskualde batzuetan alor honetan izan duten esperientzia, negozioari euskara erabiltzeak euskararen erabilera plan batek dakarzkion onurak...

- Udala merkatariei eta ostalariei euskararen erabilera planak dakarzkion onuren berri eman.

Arduraduna: Euskara Saila

5.2.2.3. Negozioetako jabeek jakitera eman zer eta non aurki dezaketen euskarazko materiala: dokumentu ereduak, fakturak, menuak ...

- Eskaini materiala eta Udalak eman ezean, azaldu non aurki dezaketen.

Arduraduna: Euskara Saila

5.2.3. Laguntza ekonomikoa eta teknikoa eskaini

5.2.3.1. Arloko merkataritza eta ostalaritza elkarteekin koordinatuz proposamen orokor bat luzatu euskararen erabilera gehitzera bideratuta: ezagutza lantzeko, errotulazioa eta papeleria euskalduntzeko, material idatzien katalogoa (merkealdiak, itxita/zabalik)...

Arduraduna: Euskara Saila

Alkarpide

5.2.3.2. Laguntza tekniko eskaini errotuluak aldatzeko (toldoetan, ibilgailuetan...), itzulpenak bideratzeko...

- Laguntza tekniko eskaini merkatariei eurei zuzenean eta aparejadorearen bitartez bulego teknikora datozenei. Laguntza tekniko: zuzenketak eta itzulpenak

Arduraduna: Euskara Saila

5.2.3.3. Ereduak, inprimakiak, hiztegiak, eta abar proposatu, eskaini eta sustatu.

- Urteroko lan-ildoari jarraituz, urtero zerbait eskaini merkatariei (2010ean hiztegia+ereduak biltzen dituen CDa).

Arduraduna: Euskara Saila

6. Aisia

6.1. Helburua: Aisialdi eskaintzan euskararen erabilera handitu

ADIERAZLEAK

- Euskaraz, edo batez ere euskaraz, funtzionatzen duten aisialdi taldeak (%)
- Udalak euskaraz antolatzen dituen aisialdi ekimenak (%)

6.1.1. Sentsibilizazioa

6.1.1.1. Hitzarmena sinatu aisialdi taldeekin, euskararen erabileraren normalizazioan ikusten diren gabeziak identifikatu eta elkarrekin garatzeko.

- Bolo-bolo dabil hitzarmena sinatu zuten kirol eta kultur elkarteei gogorarazi jendaurreko jardueretan euskara beti presente egon dadin. Euskarriak euskaratzeko zerbitzua Euskara Zerbitzuak eskainiko die.

Arduraduna: Euskara eta kultura sailak

6.1.2. Komunikazioa

6.1.2.1. Informazioa eman herritarrei euskarazko aisialdi eskaintzaz: triptikoak osatu, udaleko aldizkarian agertu, web orrian zintzilikatu.

- Udalaren sail guztiek antolatzen dituzten ekitaldien berri eman hileko egitarauaren, web orriaren eta prentsaren bidez. Ezer antolatu aurretik gogorarazi guztiei hizkuntza irizpideak bete behar direla (portzentajea ezarri).

Arduraduna: Euskara, Kultura, Gizarte Ongizate Sailak

6.1.3. Eskaintza sustatu

6.1.3.1. Haurrentzako ekintzak antolatu: udako eskaintza (udaleku irekiak, udako ludoteka...); opor garaietakoa (tailerrak, informatika...); jolasak (herri-kirolak, jokoak...)

- Udalekuak eta ZAPATUBLAI.

Arduraduna: Euskara, Kultura eta Hezkuntza
Sailak

6.1.3.2. Urte osoko gazte-programa planifikatu, diseinatu eta garatu. Ekintza berri-tzaileak bultzatu.

- Gaztelekua
- Izarren distira Durangaldean (Durangaldeko udalak)

Arduraduna: Euskara saila
Mankomunitatea
Berrizko Udala

6.1.3.3. Helduentzako aisialdi programa garatu.

- Hitzaldiak....

Arduraduna: Euskara, Kultura eta Gizarte Ongizate sailak

6.1.4. Laguntza ekonomikoa eta teknikoa eskaini

6.1.4.1. Laguntza eskaini, aisialdi taldeetan sortu eta herritarrei helarazten zaien papeleria euskaraz egon dadin edota kalitatezkoa izan dadin: tarifa merkeagoak, diru-laguntzak, hizkuntza aholkularitza...

- Zoritxarrez gaur egun ez dago aisialdi talderik. Hala ere, 2012ra bitartean aisialdi talderik sortzen bada, laguntza teknikoa emango zaio, kirol eta kultur taldeei legez.

Arduraduna: Euskara Saila

6.1.4.2. Diru-laguntza eskaini begirale-agiri ofiziala lortzeko ikastaroa edo aisialdiko formazioa hobetzeko ikastaroak euskaraz egiten dituzten herritarrei.

- Aisialdiko begiraleen lanak berebiziko garrantzia du hezitzaile izaera duen neurrian. Orain arte Udalak Amankomunazgoaren bidez diruz lagundu dituen aisialdiko begirale ikastaroak euskaraz eskaini eta eman dira, eta horrela egiteko asmoa dago.

Arduraduna: Euskara saila

Amankomunazgoa

7. Kirola

7.1. Helburua: Kirol eskaintzan euskararen erabilera handitu.

ADIERAZLEAK

- Euskaraz, edo batez ere euskaraz, funtzionatzen duten kirol taldeak/klub-ak (%)
- Kirol taldeetan euskaraz dakiten begiraleen presentzia (%)
- Herriko kiroldegian euskaraz eskaintzen diren kirol ikastaroak (%)
- Herriko kiroldegian euskarazko ikastaroetan partaidetza (%)
- Euskararen presentzia herriko kirol gunen nagusietako paisaia (%)

7.1.1. Sentsibilizazioa

7.1.1.1. Hitzarmena sinatu herriko Klub eta kirol taldeekin, euskararen erabileraren normalizazioan ikusten diren gabeziak identifikatu eta elkarrekin garatzeko.

- Bolo-bolo dabil hitzarmena sinatu zuten elkarteei gogorarazi zer duten egiteko eta guk zer eskaintzen diegun euskararen presentzia areagotzeko.

Arduraduna: Euskara eta Kirol Sailak

7.1.2. Komunikazioa

7.1.2.1. Informazioa eman herritarrei euskarazko kirol eskaintzaz: triptikoak osatu, udaleko aldizkarian agertu, web orrian zintzilikatu...

- Kirolean dagoen eskaintza jaso eta zehaztu zer dagoen euskaraz. Euskaraz dagoenaren berri eman web orriaren bidez

Arduraduna: Euskara eta Kirol Sailak

7.1.3. Ekitaldiak antolatu

7.1.3.1. Jendaurreko kirol jardueretan euskararen presentzia bultzatu (futbol zelaian, saskibaloi kantuan, pilotalekuan...) kartelak, megafonia, esatariak...

- Diru-laguntzak ematerako orduan baldintza hori derrigorrean bete beharrekoa dela jaso eta kontrolatu. Udalak euskarriak euskaratzeko zerbitzua eskainiko die.

Arduraduna: Euskara eta Kirol Sailak

7.1.3.4. Herriko kiroldegietako haur eta gazteentzako kirol ikastaroetan euskarazkoen

eskaintza handitu.

- Udalak berak ez du ezer eskaintzen, baina diruz edo bestela laguntzen ditu eskaintzen direnak. Kirol arloan euskarazko eskaintza handitzen saiatu Euskara zerbitzuak KIROL ASTEA antolatzen du urtero, ume zein helduentzat.

Arduraduna: Euskara eta Kirol Sailak

7.1.3.5. Herriko kiroldegietako helduentzako kirol ikastaroetan euskarazkoen eskaintza handitu.

- Udalak berak ez du ezer eskaintzen, baina diruz edo bestela laguntzen ditu eskaintzen direnak. Kirol arloan euskarazko eskaintza handitzen saiatu Euskara zerbitzuak KIROL ASTEA antolatzen du urtero, ume zein helduentzat.

Arduraduna: Euskara eta Kirol Sailak

7.1.4. Laguntza ekonomikoa eta teknikoa eskaini

7.1.4.1. Laguntzak bideratu kirol jardueretan euskaraz dakiten begiraleen presentzia bermatzeko: begiraleen zerrenda, pizgarri ekonomikoak, bitartekaritza...

Arduraduna: Euskara Saila

7.1.4.2. Diru-laguntzak eskaini euskarazko eskolaz kanpoko kirol jarduerak antolatzeko, boladan dauden kontuak aintzat hartuta eta arreta berezia jarrita orain arte euskarari lotuak egon ez diren alor eta ekintzei.

- Diru-laguntzen araudian euskarazko eskaintzari puntu gehiago emateko aukera aztertu eta, ahal bada, ezarri

Arduraduna: Euskara eta Kirol Sailak

7.1.4.3. Baliabide teknikoak eskaini kirol taldeetan sortu eta herritarrei helarazten zaien papeleria euskaraz egon dadin edota kalitatezkoa izan dadin: diru-laguntzak, hizkuntza aholkularitza...

- Bolo-bolo dabil hitzarmena sinatuta dute kirol elkarte guztiek. Gogorarazi zer bete behar duten eta zer eskaintzen dien Udalak (laguntza teknikoa eta itzulpenak).

Arduraduna: Euskara Saila

7.1.4.4. Euskaraz antolatu nahi diren ekintzetan beharrezkoak izan daitezkeen baliabideak erraztu eta eskaini (polikiroldegia, bileretarako gelak, hitzaldietarako guneak...).

Arduraduna: Kirol saila

8. Kulturgintza

Euskarazko Kultur Ekimenak

8.1. Helburua: Kultur eskaintzan euskararen erabilera handitu.

ADIERAZLEAK

- Kultur programazioan euskaraz antolatutako ekimenak (%)
- Euskaraz antolatutako ekimenetan partaidetza (%)

8.1.1. Sentsibilizazioa eta komunikazioa

8.1.1.1. Herriko kultur elkarteekin hitzarmenak sinatu, haietan euskararen erabilera sustatzeko.

- Bolo-bolo dabil hitzarmena sinatuta dutenez, hitzartutakoa bete.

Arduraduna: Euskara Saila

8.1.1.2. Euskara sustatzeko programa berezietan ikastetxeak ere partehartzera bultzatu: "Euskara zine aretoetara"...

- EUSKARA ZINE ARETOETARA programan parte hartzen dute eskolako umeeak. Udalak bere gain hartzen ditu Durangora joateko autobusen eta sarreren gastuak.

Arduraduna: Euskara saila

Herri-ikastetxea

8.1.2. Komunikazioa

8.1.2.1. Herritarren artean euskarazko kultur eskaintza ezagutarazi: gidak, katalogoak, web orriak, sakelekoa erabilia...

Arduraduna: Euskara, Kultura, Gizarte Ongizate, Kirol Sailak

8.1.3. Ekitaldiak antolatu

8.1.3.1. Herriko jaietan antolatzen diren ekitaldietan euskararen erabilera bermatu (kartelak, esku orriak, megafonia, esatariak...)

- HERRIKO ETA AUZOETAKO FESTETAN ETA KULTUR EKITALDI NAGUSIETAN EUSKARAREN PRESENTZIA BERMATUko du Udalak.

Arduraduna: Euskara eta Kultura Sailak

- 8.1.3.2. Kultura arloan herritarren eta talde ezberdinen ekarpenak biltzeko guneak sortu: web guneak, foroak, bilerak...

Arduraduna: Kultura Saila

- 8.1.3.4. Haurrentzako kalitatezko kultur emanaldiak antolatu.

- Kalitatezko kultur emanaldiak diogunean, kultur emanaldi “erakargarriak” eskaintzea dugu helburu. Eskolari urtero ematen zaion laguntzaren bidez antolatzen du ekitaldi bat.

Arduraduna: Euskara eta Kultura Saila

- 8.1.3.5. Gazteentzako kalitatezko kultur emanaldiak antolatu: erakusketak, hitzaldiak, proiektzioak, zinema, kantak eta bestelako musika emanaldiak, dantzak, antzerkiak, bertso dramak...

- Kalitatezko kultur emanaldiak diogunean, kultur emanaldi “erakargarriak” eskaintzea dugu helburu. Gaur egun bi ekitaldi antolatzen ditugu: postal lehiaketa eta bertso-afaria

Arduraduna: Kultura eta euskara Sailak

- 8.1.3.6. Helduentzako kalitatezko kultur emanaldiak antolatu: erakusketak, hitzaldiak, proiektzioak, zinema, kantak eta bestelako musika emanaldiak, dantzak, antzerkiak, bertso dramak...

- Kalitatezko kultur emanaldiak diogunean, kultur emanaldi “erakargarriak” eskaintzea dugu helburu. 2010ean aurreikusita dago dantza ikastaroa helduentzat.

Arduraduna: Kultura Saila

- 8.1.3.8. Kultura arloko euskararen plan estrategikoa egin hurrengo urteetarako, udalerriko eragile ezberdinekin elkarlanean, betiere, euskararen erabilera eta presentzia handitzera bideratua.

- Udaleko Kultura Sailaren egiteko honetan parte hartuko du Euskara Sailak.

Arduraduna: Kultura eta Euskara Sailak

8.1.4. Kulturen arteko harremanak sendotzea sustatu

- 8.1.4.1. Ekitaldiak antolatu herrialde desberdinetako ohiturak ezagutzera emateko: musika, janari, bestelako produktu, merkatu, dantza, kirol... edota beste gairen baten inguruan.

Arduraduna: Gizarte Ongizate, Kultura eta Euskara Sailak

8.1.4.2. Bideo emanaldiak antolatu kultur ezberdinak ezagutzera emateko.

Arduraduna: Gizarte Ongizate, Kultura eta Euskara Sailak

8.1.4.3. Hizlaritzat etorri berriak hartu eta ekitaldiak antolatu haien esperientzia eta jatorriaren gainean ezagutza izateko.

- Udalak antolatzen dituen ekintzak aprobetxatuko ditugu etorri berriak hizlari jartzeko.

Arduraduna: Gizarte Ongizate Saila

8.1.5. Laguntza ekonomikoa eta teknikoa eskaini

8.1.5.1. Baliabide teknikoak eskaini kultur elkarteek sortu eta plazaratu nahi duten papeleria euskaraz egon dadin edota egokia izan dadin: dirulaguntzak, hizkuntza aholkularitza...

- Udalak Bolo-bolo dabil egitasmoaren bidez eskaintzen die laguntza teknikoa herriko entitateei euskararen erabilera gehitzeko.

Arduraduna: Kultura eta Euskara Sailak

8.1.5.2. Euskaraz antolatu nahi diren kultur ekintzetarako beharrezkoak izan daitezkeen baliabideak eskaini (zine aretoak, megafonia, hitzaldietarako gunea, bestelako azpiegitura...).

- UDALAREN AZPIEGITURAK euskal kulturgintzan dabilzan taldeen esku jartzen ditu Udalak. Halaber laguntza teknikoa ere ematen zaie.

Arduraduna: Euskara Saila

Kultur ekoizpenak eta sormena

8.2. Helburua: Euskarazko kultur ekoizpenak eta sormena bultzatu

ADIERAZLEAK

- Herritarren euskarazko kultur ekoizpenak sustatzera bideratutako baliabideak (€)
- Lagundutako ekoizpen/proiektu kopurua
- Lagundutako pertsona/talde kopurua

8.2.1. Sentsibilizazioa

- 8.2.1.1. Herritarren artean euskarazko kultur produkzioa ezagutarazi: gida, katalogo, web orri, euskaltegi eta udaleko gune ezberdinetan...

Arduraduna: Euskara Saila

8.2.2. Komunikazioa

- 8.2.2.1 Herritarren artean euskarazko kultur produkzioa ezagutarazi: gida, katalogo, web orri, euskaltegi eta udaleko gune ezberdinetan...
- Euskarazko produktuen katalogoa banandu etxe guztietara eta, batez ere, ume zein gazteak biltzen diren lekuetan.

Arduraduna: Euskara Saila

8.2.3. Ekitaldiak antolatu

- 8.2.3.1. Kulturgintza lantzeko tailerrak antolatu: marrazkiak, idazketa, argazkigintza, zinema, bideoa, web bidezkoa, literatura, dantza, kanta...

Arduraduna: Kultura, Gizarte Ongizate eta Euskara Sailak. Udal Liburutegia

- 8.2.3.2. Kultur arloko lehiaketak antolatu, generoa eta adina aintzat hartuta: literatura (sms-ena; ipuinak webean; maitasun istorioak; lekuan lekuko lehiaketak (Peru Abarka...); argazkigintza, bideoklipak (sakelakoaz egindako grabazioena...), marrazkiak, dantza (koreografiak...)

Arduraduna: Euskara, Kultura eta Gizarte Ongizate Sailak

8.2.4. Laguntza ekonomikoa eta teknikoa eskaini

- 8.2.4.1. Ekoizpen berritzaileak saritu: kantagintza, bertsogintza, antzerkigintza,....

Arduraduna: Kultura Saila

- 8.2.4.3. Lokalak, guneak eskaini kultur produkzioen erakustoki gisa.

Arduraduna: Kultura Saila

Irakurzaletasuna

8.3. Helburua: Euskaraz irakurtzeko zaletasuna handitu

ADIERAZLEAK

- Udal liburutegian euskaraz erabilgarri dauden irakurgaiak (%)
- Liburutegian herritarrek euskaraz hartutako irakurgaiak (%)

8.3.1. Komunikazioa

8.3.1.1. Liburutegiko liburuak eguneratu eta katalogoa herritarren artean zabaltu.

Arduraduna: Udal Liburutegia

8.3.1.2. Euskal literaturako titulu nagusiak (irakurrienak, sarituak...) ezagutzera eman: udalerriko web orrian...

- Udal Liburutegiaren blogaren eta Udalaren web guneak erabiliko ditu Udalak euskal literaturaren zabalkundea egiteko.

Arduraduna: Udal Liburutegia eta Euskara Saila

8.3.2. Eskaintza sustatu

8.3.2.1. Zentro publikoetan (osasun zerbitzua, udalaren bulegoak,...) irakurgai utzi euskarazko aldizkari eta liburuak.

Arduraduna: Udal Liburutegia

8.3.2.3. Irakurketa tailerrak antolatu.

HAUR LITERATURA ARETOA

Arduraduna: Euskara saila

8.3.2.4. Modan dauden idazleen hitzaldiak antolatu: idazteko teknikak, ohiturak, inspirazioa, bidaiak, liburuen komentarioak...

- IDAZLEAK liburutegian eta IPUIN-KONTALARIAK liburutegian

Arduraduna: Udal Liburutegia eta Euskara Saila

- 8.3.2.5. Urtean zehar euskaraz liburu gehien alokatu dituen pertsonentzako sariak antolatu

Arduraduna: Udal Liburutegia eta Euskara Saila

- 8.3.2.6. Liburutegiko bazkideen artean aldian-aldian liburuak oparitu.

Arduraduna: Udal Liburutegia eta Euskara Saila

- 8.3.2.7. Liburuaren eguna ospatu.

Arduraduna: Udal Liburutegia

Tokian tokikoa

8.4.1. Helburua: Tokian tokiko hizkera, toponimia, historia, ohiturak jaso eta hedatzea sustatu

ADIERAZLEAK

- Tokian tokiko hizkeraren erabilera (kale neurketarekin batera)
- Sortu eta hedatutako produktu kopurua, euskarria edozein delarik ere (liburuak, jolasak, ...)
- Informazio honen hedapenera zuzendutako ekimen kopurua

8.4.1. Sentsibilizazioa eta komunikazioa

8.4.1.1. Herritarrengan eragin euskal kultura, kondairak eta toponimia ezagutzera emanda: gida bat, argitalpen txiki bat...

Arduraduna: Euskara Saila

8.4.2. Ekitaldiak antolatu

8.4.2.1. Herriko istorio zaharrak, kondairak, ohiturak... ezagutzera eman: hitzaldiak ikastetxeekin elkarlanean; herriko adineko jendearekin elkarlanean, jai esanguratsuetan hizlari bat ekarri, grabaketak egin eta web orrian jarri...

- ZALDIBAR BERBARIK BERBA SARERA: WEB ORRIA IAMETZA-KOEN BITARTEZ.

Arduraduna: Euskara Saila

8.4.2.2. Gai horiei lotuta lehiaketak antolatu herriko haur eta gazteen artean.

Arduraduna: Euskara eta Hezkuntza Sailak

8.4.2.3. Bertako azpieuskalki, toponimia eta ohiturei lotuta eskualdeko beste udalerriekin elkarlanean jolas eta material didaktikoa sortzeko aukerak aztertu (arloan honetan landu diren beste esperientzia batzuk aztertu: Debarroa eta landa garapena...).

Arduraduna: Euskara Saila

8.4.2.4. Apilleduak abizendu. Abizenak euskal grafiaz jartzeko kanpainak abian jarri.

Arduraduna: Euskara Saila

8.4.3. Laguntza ekonomikoa eta teknikoa eskaini

8.4.3.1. Tokian tokiko hizkera eta toponimia ondarea jaso, argitaratu eta hedatu (ahozkoa zein idatzizkoa): toponimia, inguruko azpieuskalkiaren ezaugarriak, bilakaera, haur eta gazteen ezagutza eta erabilerari buruzko azterlana...

Arduraduna: Euskara Saila

8.4.3.3. Diruz lagundu herritarrentzat interesgarriak izan daitezkeen eta ikertuta dauden gaiak argitaratzea, webean zintzilikatzea, erakusketa tematikoak egitea: nekazaritzako hiztegia, itsasokoa, erremintak, antzinako argazkiak....

Arduraduna: Euskara Saila

Erlijioa

8.5. Helburua: Erlijio saioetan euskararen erabilera handitu

ADIERAZLEAK

- Sinesmen-mota guztiak aintzat hartuta, saioak guztira
- Sinesmen-mota guztietako saioak aintzat hartuta, euskararen erabilera (%)
- Sinesmen-mota guztiak aintzat hartuta, euskarazko erlijio saioetako partaidetza (%)

8.5.1. Sentsibilizazioa

8.5.1.1. Sinesmen-motak aintzak hartu eta barrutietan eragin, euskarari lekua egiteko eta erlijio saioak euskaraz ere antolatzeke.

Arduraduna: Euskara Saila

8.5.2. Laguntza teknikoa eskaini

8.5.2.1. Laguntza teknikoa eskaini, erlijio saioetako materialaren itzulpenerako eta testuak kalitatezkoak direla bermatzeko.

Arduraduna: Euskara Saila

Euskarazko komunikabideak sustatu

9.1. Helburua: Herrian edo eskualdean euskarazko komunikabideen garapena sustatu edota euskararen erabilera bultzatu egungo komunikabideetan.

ADIERAZLEAK

- Euskara hutsezko komunikabideak (%)
- Euskararen erabilera euskara hutsezkoak ez diren tokian tokiko komunikabideetan (%)

9.1.1. Sentsibilizazioa

9.1.1.1. Komunikabideak euskarazko kultur, aisialdi eta kirol ekitaldien berriemaile eta partaide bihurtu.

Arduraduna: Udala, alkatetza

9.1.3. Laguntza ekonomikoa eta teknikoa eskaini

9.1.1. Eskualdeko euskarazko komunikabideen hedapena diruz lagundu. ANBOTO

Arduraduna: Euskara Saila

Publizitatea euskaraz

9.2. Helburua: Publizitatean euskararen presentzia bultzatu.

ADIERAZLEAK

- Udalak eta bere menpeko erakundeek euskaraz argitaratutako publizitatea (%)
- Enpresa, merkatari eta elkarteei eskainitako baliabideak publizitatea euskaraz egiteko

9.2.1. Sentsibilizazioa

- 9.2.1.1. Enpresa, merkatari eta elkarteei zuzendutako sentsibilizazio ekintzak martxan jarri publizitatean euskararen erabilera bultzatzeko.

Arduraduna: Euskara Saila eta alkatetza

9.2.2. Eskaintza sustatu

- 9.2.2.2. Udalak egiten dituen publizitate ekimenetan euskara lehenetsi.
- Euskara Planean zehazten diren "hizkuntza irizpideak" izango dira kontuan

Arduraduna: Udaleko prentsa arduraduna edo alkatea eta Euskara Saila

9.2.3. Laguntza ekonomikoa eta teknikoa eskaini

- 9.2.3.1. Enpresa, merkatari eta elkarteei laguntza tekniko eta ekonomikoa eskaini publizitatea euskaraz egin dezaten: itzulpen gastuak, publizitatearen ehuneko bat...
- Jai-egitarauan publizitatea euskaraz. Itzulpena eskaini enpresei

Arduraduna: Euskara Saila

10. Teknologia berriak

10.1. Helburua: Teknologia berrietan euskararen erabilera handitu.

ADIERAZLEAK

- Udaleko web orrira euskaraz egiten diren sarrerak (%)
- Sarean euskararen presentzia gehitzera bideratutako baliabide kopurua (€)
- Udal liburutegiko teknologia berrietan oinarritutako euskarazko materialak (%) eta horien erabilera (%)

10.1.1. Sentsibilizazioa

10.1.1.1. Herritarrengan eragin, batez ere gazteenengan, euskaraz jo dezaten sarera, informazio bila.

- Sentiberatze kanpainak egingo dira gazteek internetera euskaraz jo dezaten eta baita euskaraz erabili ditzaten facebook, wikipedia eta antzekoak.

Arduraduna: Euskara Saila eta Durangaldeko udalak

10.1.1.2. Herritarrengan eragin, sarean barneratzen dutena euskaraz egon dadin.

- Sentiberatze kanpainak egingo dira, herritarrek interneten sartzten duten informazioa euskaraz izan dadin, esate baterako facebook, wikipedia eta antzekoetan.

Arduraduna: Euskara Saila eta Durangaldeko udalak

10.1.1.3. Herritarrengan eragin, batez ere gazteenengan, sakelakoetan, *ipodetan* eta gainerako tresnetan euskarazko menuak, mezuak... euskaraz izan daitezen.

- Sentiberatze kanpainak egingo dira, herritarrek erabiltzen dituzten tresnetako menuak eta abarrekoak euskaraz izan daitezen.

Arduraduna: Euskara Saila eta Durangaldeko udalak

10.1.2. Komunikazioa

10.1.2.1. Herritarrei teknologia berrien arloan euskaraz sortzen dena aditzera eman (programak deskargatzeko aukerak, Xuxen, telefonia mobila, elebila, weg gune berrien zerrenda ...) sms bidez, gida edo katalogoa erabilita, web orrian zintzilikatuta, www.euskara.euskadi.net era linkak...

Arduraduna: Euskara Saila

Durangaldeko udalak

10.1.2.2. Herritarren eskura jarri euskararen kalitatea hobetzea helburu duten argitalpenak: idatzien ereduak, hiztegi₄₄elektronikoak,...

Arduraduna: Euskara Saila

10.1.3. Eskaintza sustatu

10.1.3.2. Euskarazko eskaintza bermatu KZ guneetako ikastaroetan.

- Udalak hitzarmena egingo du KZgunearekin ikastaroen eskaintza euskaraz izan dadin.

Arduraduna: Alkatetza eta Euskara Saila

10.1.3.3. Erabilgarri jarri udal guneetan adin guztientzako eta era guztietako jokoak eta bestelako programak.

- Liburutegian teknologia berrietan oinarritutako euskarazko produktu eta zerbitzuak eskainiko ditu udalak

Arduraduna: Euskara Saila

10.1.3.5. Udalaren web orrian Euskararen Txokoa sortu eta euskararekin zerikusia duten edukiak (herriko hizkeraren ezaugarriak, azken inkesta soziolinguistikoaren emaitzak, euskararen normalizazio prozesuan sortzen den informazioa, ekimenak, egitarauak herrian bertan egiten diren kale neurketak edo bestelakoak...).

- Udalak abian du web gunea, tresna garrantzitsua Euskara Sailak normalkuntza plana aurrera eramateko.

Arduraduna: Euskara Saila

10.1.3.6. Sarea euskarazko kultur, aisialdi eta kirol ekitaldien berriemaile eta partaide bihurtu.

- Udala web guneaz baliatuko da euskarazko jarduera guztien berri emateko.

Arduraduna: Euskara Saila

10.1.4. Laguntza ekonomikoa eta teknikoa eskaini

10.1.4.1. Euskarazko blogak sortzea bultzatu.

Arduraduna: Euskara Saila

10.1.4.2. Herritarrek sarean ezartzen duten informazioa euskaraz ere egon dadin

laguntzak bideratu: testuak euskaraz emateko, zuzentzeko...

- Laguntza teknikoa eta aholkularitza ere eskaintzen du.

Arduraduna: Euskara Saila